



## STINAPA TA INFORMA

NO MAS I MAS!

E i su esposa ya pa 25 aña kaba ta propietario di un panaderia konosí den nos komunidad. Sergio Winklaar, tata i welo, gusta kore baískel, landa, wak futbòl (antes: praktiká tambe), kanta i músika. E ta den koro di San Bernardo na Playa. "Naturalesa ta e bunitesa di nos bida," Sergio ta kuminsá poetikamente su razonan dikon e ta stima naturalesa Boneriano. "Si nada no destruí'é, e ta hopi ameno ku nos", e ta sigui kontá. E ta kontentu ku ainda nos tin un bon medio ambiente, sin fabrikanan ku ta polushoná of hopi outo. Ademas, e laman rònt Boneiru ta klá, limpi i bunita. Su sitionan faborito ta entre otro Washington Slagbaai. E ta hala un suspiro "Hè!" ora e kuminsá splika dikon. E holó di naturalesa, e paranan, kada unu tin un zonido, i grito di bestianan. E ta splika ku komo hóben el a nabegá mashá pero nunca el a topa ku bichnan asina bunita manera esun di Lac, otro sitio faborito di dje. Tambe ora e kore pasa na Malekon e ta kore poko poko pa asina disfrutá mas tantu posibel di e bista i olanan. E lora Boneriano ta su animal faborito. E tabatin unu pa hopi aña i tabata stim'é masha hopi mes. Hasta el a siñ'é kanta e kantika 'Chabelita' i e lora tabata kant'é manera ku e djis menshoná e titulo. A duel Sergio masha hopi mes dia ku e lora a fayesé. Sinembargo, konsientemente no a buska otro lora. Pasobra el a realisá ku nan ta pertensé den naturalesa. Su panaderia tambe ta dependé di naturalesa i di turismo. Ademas di e merkado lokal, e ta bende tambe pa hotèl, restorant i otro lugánan frekuentá pa turistanan. "Ora mi yu muhé tiner i ami pasa na Malekon e ta bisa; "Ai nò Papi, dikon mas i mas?" Mi ta sakudí kabes pasobra mi ta di akuerdo kuné. E edifionan haltu ta dañá e bista di e naturalesa i e liña di kosta tradishonal di Boneiru. "E ta sigui splika ku turistanan ta skohe Boneiru dor ku e no tin entre otro raskashelu. Anto hustamente awó ta dañá e kosta ku edifisionan haltu. Pa Sergio hopi kos na Boneiru mester keda intakto. "Danki Dios a deshasí di e plannan pa traha hotèl na Klein Bonaire, figurabo kon polushoná e awa di Boneiru lo tabata ta awó!"

*Skirbí pa Natalie Wanga, tradusí pa Marcel Nahr.*

Pa mas informashon i reakshon: STINAPA, telefon 717 - 8444, [info@stinapa.org](mailto:info@stinapa.org)

## NOS TA BIBA DI NATURALES



**Traha huntu na un desaroyo duradero pa Boneiru**